

醫方類聚卷之三十六

傷寒門 十

傷寒類書 三

讖語

讖言脉數鄭聲虛胃實身和熱有無下利
濕溫并血證三陽合病各殊途



實則讖語虛則鄭聲經曰邪氣盛則實精氣
奪則虛傷寒胃中熱盛上乘於心心為熱胃
則神識昏迷呢喃譫妄此邪氣盛而語言差

也若汗後若病久本音失而正氣虧則鄭重
語散不知高下此精氣奪而聲不正也讖語
爲熱獨語亦熱若狂語則其熱加多至於言
亂惡罵又劇甚而難制矣大抵大熱入胃水
涸糞燥必發讖語當下誤汗當汗過多亦發
讖語讖語屬陽見陰證者逆讖語喘滿氣逆
而上奔也讖語下利氣脫而下奪也真氣離
絕謂之何哉

讖語爲實脈洪數大便秘小便赤手足溫少

與調胃承氣湯陽實讖語脈短促者不治若
逆冷而脈沉細者卽死 鄭聲爲虛脈微細
大小便自利手足冷用白通湯 胃實讖語
身熱汗多胃中燥大便硬或潮熱少與調胃
承氣湯大小承氣湯酌量用 身和讖語以
發汗多亡陽津液不和致之不可下只與柴
胡桂枝湯 下利讖語爲有躁屎脈不微細
卽須下之用小承氣湯讖語而利不止則不
治又汗出讖語者風也須俟其過經乃下之

濕溫苦妄言證有本條 瘀血讖語狂言漱
水大便黑小便多遍身黃小腹滿緣當汗不
汗蓄熱在裏熱化爲血故爾輕者犀角地黃
湯重者桃仁承氣湯抵當圓 熱入血室讖
語晝靜夜讖如見鬼狀速與小柴胡湯稍遲
則熱入胃津液燥中焦上焦不榮必爲血結
胃當針期門或脈遲身涼無熱胃滿如結胃
狀亦刺期門若血熱犯於胃氣小腹急滿小
便自利喜忘如狂晝夜讖語抵當圓主之

三陽合病讖語脈滑實身重難以轉側口中
不仁而垢遺尿不可汗下少與白虎湯 發
少陽汗則讖語經云汗之則讖語甚謂有少
陽也下之則額上汗手足逆冷謂下之早也
太陽病八九日下之胃滿煩驚小便不利讖
語身重不可轉側柴胡龍骨牡蠣湯 發汗
多亡陽讖語不可下柴胡桂枝湯主之 火
劫讖語口乾煩燥喘滿小柴胡加黑豆

搖頭

搖頭直視似烟熏真病心家已絕根痊證
反張并口噤頭中痛者戰而言

頭者諸陽之會陽脉有乖則頭爲之搖動然
有心絕而搖頭者有風盛而搖頭者有裏痛
而搖頭者形證皆不類焉蓋陰根於陽陽根
於陰陰陽互根氣血所以周流而無間若心
絕則神去而陰竭陽獨無根不能自主是以
頭搖經法謂陽反獨留形體如烟熏直視搖
頭者此也至於太陽發痊則風盛於上風主

乎動是以頭搖經所謂獨搖頭卒口噤項背
反張者此也言而搖頭者頭中有痛言則痛
甚痛則必搖經所謂搖頭言者裏痛也又謂
言者爲虛不言者爲實是也合是言之均是
搖頭耳折而分之曰實邪曰虛邪曰真病又
當明其臧否云 搖頭直視形如烟熏心家
絕也真病不治 太陽發痊搖頭噤口領背
反張身熱足冷有本條 搖頭言者其裏有
痛言者虛也可與如聖餅易簡芎辛湯

戰慄

戰動於身慄動心正邪勝負兩般尋振振汗出將痊愈鼓頷虛寒病已深

戰慄皆陰陽之爭戰者身為之搖也慄者心戰而揚也邪氣外與正氣爭則為戰邪氣內與正氣爭則為慄戰者正氣勝慄者邪氣勝戰則欲愈慄其已甚乎振振汗解者蓋邪氣欲出其人不虛故邪與正爭發為振戰正氣勝則得汗而解矣傷寒六七日欲愈必

振振汗出而解其有身不戰而但鼓頷心慄者遂成寒逆此陰氣內盛正氣內虛不能勝邪反為邪所勝當以四逆湯薑附湯併禦文禦之理至明矣經云陰中於邪心內慄也又云邪中下焦陰氣為慄足脛逆冷便濁妄出此合用四逆湯薑附湯仍與養正丹

瘕瘕

瘕為引縮瘕為伸熱極風生併在經滌熱祛風猶可望火熏發表定歸冥

癱則急而縮瘓則緩而伸病軀癱瘓熱氣極矣熱極生風風主乎動故筋脉相引而伸縮不寧傷寒至於癱瘓疾勢過甚診視調理難乎否乎內經曰太陽終者戴眼反折癱瘓汗出不流癱瘓之爲絕證也如此 癱瘓最難療理能用滌熱祛風之劑以折其熱間有可活之者滌熱如柴胡山梔輩祛風如防風羌活輩是也 風溫妄以火熏必然發黃劇則狀如驚癇時癱瘓經云一逆尙引日再逆促

命期設或爲醫所誤只得與金匱風引湯火邪用黑豆解

筋惕身瞤

筋惕身瞤發汗多酌量真武更無過左邊動氣如輕汗此證難醫奈命何

發汗過多津液涸少陽氣偏虛筋肉失其所養故惕惕瞤瞤而跳動也張氏特設真武湯以救之然本方不特溫經助陽而已其間朮苓薑附皆於胃氣有關焉素問云脾中風則

肌肉瞶蓋脾主肌肉胃爲津液之海是雖過汗法當溫經助陽又不可不以胃氣爲本也雖然已經吐下而復汗汗下而復燒針得之尤甚逆也經曰傷寒吐下後發汗脈微心脇痞痛虛煩眩冒氣上衝咽筋脈動惕者久而成痿又曰太陽汗後復下表裏俱虛更加燒針因胃煩面黃膚瞶者難治以至汗出如油口噤肉戰伸吟喘促者不治然則吐汗下可輕乎

陽氣之柔者養筋發汗過多病軀無陽筋必戰動或虛人微取汗或傷風自汗妄用大青龍湯便有厥逆筋惕肉瞶之證俱屬真武湯羸甚者去芍藥有熱證者去附子尤在酌量用之應發汗證而腹中左右上下有動氣者並不可汗若汗之卽筋惕身瞶其左邊動氣者尤不可汗發汗則頭眩汗不止筋惕肉瞶其候最逆且先服防風白朮牡蠣散次服小建中湯十救一二太陽病發汗不解發

熱心悸頭眩身暈欲擗地真武湯 吐下後
心下逆滿氣上衝胃起則頭眩脉沉緊身振
搖者茯苓桂枝白朮甘草湯久而成痿者通
用若心下滿痞兼與枳梗湯加茯苓甘草

不仁

不仁口腹及膚皮痛癢寒温總不知正氣
重爲邪氣伏榮虛衛弱厥如尸

經曰諸乘寒則爲厥鬱冒不仁蓋其血氣虧
少不能周流於一身於是正氣爲邪氣所伏

故肢體頑痺不知痛癢寒温厥如尸而鬱且
冒也苟其不仁脉或浮洪發喘無已水漿不
下汗出如油是氣絕於命門束手待盡而已
甘草乾薑湯桂枝芍藥湯加乾薑或桂枝麻
黃各半湯以意度用 少陰脉不至腎氣微
精血少寒氣上奔血結心下陽氣退下熱歸
陰股與陰相動令其身不仁是爲尸厥
不得眠

不眠腎證利而煩大汗膀胱胃裏乾吐汗

下餘煩懊懔熱多熱少數般看

素問云胃不和則卧不安所以不和者津液乾焦熱邪煩燥陽獨盛而陰偏虛故爾蓋夜以陰爲主陰氣盛則目閉而卧安惟夫陰爲陽所勝故終夜煩擾而不得寧所謂陰虛則夜爭者此也若陽虛而陰勝焉又有夜靜晝煩之證耳 少陰下利而渴不得眠猪苓湯此停水也若二三日以上心煩不得眠黃連阿膠湯主之 太陽發汗多或大汗出胃中

乾躁煩不得眠欲飲水者少與之胃和卽愈若脉浮小便不利而渴五苓散 吐汗下後

心中懊懔虛煩顛倒不得眠梔子豉湯或酸

棗湯 大熱乾嘔呻吟錯語不得眠黃連解

毒湯凡陽毒熱病皆不得眠 下後發汗無

大熱脉沉微不嘔渴無表證夜靜晝煩而不

得眠乾薑附子湯 陽勝陰則狂眠亂夢用

梔子豉湯陰勝陽則驚悸昏沉用酸棗湯

瘥後不得眠者熱氣與諸陽相并陰氣未復

故也梔子烏梅湯或易簡溫膽湯加竹茹此
可通用

多眠

多眠神思苦沉昏自汗風溫默默然狐惑
唇瘡沉細腎太陽浮細亦癡眠

陰邪勝陽人多昏默默昏閉目者陰司闔也
默默不言陰者主靜也多眠四證二者病在
經若太陽惡寒其脈浮細是陽氣未盡復也
若狐惑淹沉素得之下利則其亡陽可知矣

此所以爲陰勝歟

風溫證尺寸俱浮自汗喘身體重不收嘿嘿
欲眠不可發汗可萎蕤湯病在少陰厥陰二
經狐惑證四肢沉重咽乾聲啞上下唇瘡
害人甚急有本條少陰證尺寸俱沉細但
欲寐急與四逆湯復其陽氣又少陰欲吐不
吐煩而多寐五六日自利而渴張氏無治法
若小便白者可用四逆湯張氏又云少陰病
脈微細沉多寐汗出不煩欲吐若變證五六

日自利煩燥反不得寐者死少陰證變難辨
難治貴在審詳 太陽證頭項痛惡寒嗜臥
脉浮細或胃脘滿者小柴胡湯脉但浮麻黃
湯 胃傷風發黃嗜臥有本條

瘧後昏沉

瘧後昏沉似恠妖或時寒熱或時潮語言
錯謬精神少毒在心胞汗未消 創製二
傷寒瘧後半月以來終不惺惺錯語少神或
無寒熱或寒熱似瘧或潮熱頰赤醫以風魅

治之非也是由發汗不盡餘毒在心胞絡間
致之 瘧後昏沉不惺知母麻黃湯再取微

汗 瘧後勞復食復見下後有熱條 瘧後

胃脘餘熱虛煩而嘔竹葉湯加生薑 瘧後

喜唾不已膈上有寒理中圓 瘧後從腰以

下有水氣牡礪澤瀉散 瘧後日暮微煩以

其病方瘧強與穀食而不消也節飲食則愈

飲酒復

飲酒還教病復來悶煩口燥舌生胎妄言

不寐仍乾嘔解毒黃連湯妙哉

極陰變陽寒盛生熱古人以傷寒為大病大病之後可與酒乎有勞復而發熱者有食復而發熱者飲酒致劇其熱尤甚於勞食復也傷寒已得汗解因飲酒而復劇煩悶口燥乾嘔伸吟妄語不得睡黃連解毒湯龍膽草煎湯或吉皮為佐

尋衣摸空

尋衣忘語熱晡潮下後陽弦病有瘰脉瀉

為陰終不救發黃須要小便流

華陀云病人手循衣縫不治間有一二活者

幸也

吐下後不解多日不大便日晡潮熱不惡寒獨語如見恠劇者不識人循衣撮空怵惕不安微喘直視微者但發熱譫語並用大承氣湯下之若得大便後脉弦者生脉瀉者死弦為陽瀉為陰是陽病見陰脉也太陽病用火熏之以致發黃陽盛則欲衄陰虛小便難

陰陽俱虛身體枯燥頭汗及頸口乾咽爛腹
滿微喘或不大便譫語甚者嘔噦循衣摸床
此證小便利則可治

百合

百合昏如祟物厭或時喜食或時嫌似寒
不冷熱無熱欲步難行臥不恬
百合者百脉一宗舉皆受病無所謂經絡傳
次也皆因傷寒虛勞大病之後臟腑不平變
而成此其狀似寒無寒似熱無熱意中欲食

復不能食默默欲卧復不得卧強欲出行復
不能行崇朝口苦小便赤黃藥入卽吐利也
病源所載證狀一同其脉微數每尿則頭痛
者六十日愈若尿不頭痛但淅淅如寒者四
十日愈若尿則快然而但眩者二十日愈
百合知母湯百合地黃湯滑石代赭湯雞子
湯百合洗方選用之

臟結

臟結無陽舌白胎陰筋急痛引臍來雖然

飲食全如故下利頻頻不可回
臟結者臟氣閉結而不復流布也一息不運
機絨窮一毫不續穹壤判臟其可結乎外證
有如結胃但飲食如故時時下利爲異耳其
脈寸浮關沉細而緊無陽舌胎陰筋引臍腹
俱痛是也病人脇下宿有痞氣連於臍傍痛
引小腹而入陰筋者亦名臟結於此而圖其
痊濟豈不難矣哉

臟結無湯證不往來寒熱或寒而不熱其人
反靜舌白胎者皆不可下也蓋其邪未全成
熱猶帶表寒可刺關元穴仍與小柴胡湯加
生薑

兩感

兩感膀胱對少陰頭疼口燥大而沉胃脾
肝膽二三日脈證雙傳准例尋

傷寒惟兩感不治兩感者半屬於陰半屬於
陽臟腑俱受病也一日太陽少陰俱病則頭
疼口乾煩滿而渴脈大而沉二日陽明大陰

俱病則身熱鼻乾譫語腹滿不食脉長而沉
三日少陽厥陰俱病則耳聾囊縮厥冷水漿
不入脉弦而沉或三日而僵或六日而仆張
氏無治法但曰兩感病俱作治有先後發表
攻裏本自不同雙鋪以意消息謂如下利不
止身體疼痛急先救其裏與四逆湯如不下
利但身體疼痛急先救其表與桂枝湯此爲
治有先後其達權識變之論也謝復釋張
氏治有先後之說亦以爲陽先受病在乎表

則先解表陰先受病在乎裏則先救裏是亦
一意然先表者裏不可緩先裏者表亦不可
緩也歟

虬厥狐惑

蛔厥烏梅及理中臟寒胃冷吐長虫咽乾
聲啞名狐惑濕蘘唇瘡限數終

虬厥證屬厥陰病家有寒妄發其汗或汗後
身熱又復汗之以致胃中虛冷故長虫逆上
飢不欲食食卽吐虫其乍靜乍煩者虫或上

而或止也。虫聞食臭必出，所以食則吐虫也。張氏有言：厥陰爲病，消渴氣上衝，心飢不欲食，食則吐蛔。吐蛔既出於胃，冷復有消渴之證，何哉？蓋熱在上焦，而中焦下焦虛寒無熱耳。設或大便鞭結，是亦蘊毒使然，又不可指爲燥糞。但用生料理中湯，加大黃入蜜以利之。白朮乾薑所以輔大黃也。治法先服理中圓，次用烏梅圓。若誤下之利不止，則用四逆湯。又法理中圓加茯苓枳殼烏梅，渴者加

括萁根。狐惑與濕蠱皆虫證也。狀如傷寒，多因傷寒下利變壞成之。蓋腹中有熱，入食無多，腸胃空虛，故三虫求食而食人之五臟也。其候四肢沉重，並惡飲食，默默欲眠，目不能閉，舌白齒晦，面目間赤白黑色變易不常。虫食下部爲狐，下唇有瘡，其咽乾，虫食其臟爲惑。上唇有瘡，其聲啞，濕蠱條例是。雖調理有方，此越人所以望而驚也。治蠱桃仁湯、黃連軍角湯、雄黃硯散，備用而已。金液丹方

類聚

十一

狀治濕蠱蓋硫黃能殺腹中諸虫無陽者與之
陰陽易陰陽交

陽易陰根腫痛深腹連腰胯痛爲陰温家
脉躁重生熱陰與陽交汗莫禁

男子陽易婦人陰易病新瘥而動淫慾也一
名女勞復感於情者亦然其候身重氣乏下
腹絞痛頭不能舉足不能立四肢拘急百節
解散眼中生花熱上衝胃在男子則陰腫入
裏腹內攻刺在婦人則裏急腰腫引腹俱疼

若手足拳攣其脉離經皆不可活或榮衛虛
精髓竭翕翕少氣著席不能動搖者引歲月
死吁內傷六氣外傷七情其爲害若是歟
指脉離經一呼一至是爲不足至脉離經一
呼三至是爲有餘 燒禪散猥鼠糞湯竹皮
湯乾薑湯青竹茹湯當歸白朮湯以意擇用
陰陽交者温病不得發汗若汗之復生大熱
狂言不食其脉躁疾是也大抵不治若脉浮
數則表證猶在可再汗之若脉沉實或狂語

則爲胃實陽盛又當下之發汗後復熱者通
用此例 再汗用桂枝湯 再下用承氣湯

陰毒陽毒

陰毒身如擊撲然疾沉汗渴痛臍咽身斑
面赤多煩燥陽毒狂言洪數弦

陰氣獨盛陽氣暴絕則爲陰毒身冷有汗其

脉沉細而疾是也

沉而右疾者升

有初病遽然而成

者有服藥數日變而成者蓋以腎氣極損生
冷傷脾內已伏陰外又感寒致之或先感外

寒而後伏陰於內內外皆陰陽氣不守故爾

陽氣獨盛陰氣暴絕則爲陽毒身熱無汗其

脉弦洪促數是也有初病遽然而成者有已

經止下變而成者蓋以酒麪過度丹砂僭燥

腸胃極熱致之或病證屬陽誤投溫藥助熱

爲邪內外皆陽陰氣不守故爾陰陽二毒皆

有頭疼微利之證抑陰用熱抑陽用寒固有

條例然此二毒隨氣逆上結伏於胃中皆令

人心下痛硬非常法所能通也當急作規摹

以泄之陰毒泄則陽氣復陽毒泄則陰氣復
陰陽升降榮衛流行自然大汗而解矣若心
下已結延至六七日間斷不可活外證治法
詳于後篇 陰毒外證面目唇爪青黑口開
氣短咽喉不利手足厥冷身不甚熱痛重如
打撲或數慄而寒頭目俱疼腰重背強毒氣
攻心心下堅悶腹中絞痛外腎並臍下冷硬
額上及手背間冷汗不止嘔吐下利燥渴陰
極發燥精神恍惚言語醒醒聲音鄭重舌上

黑色陰病回陽服藥未透亦須外借火氣但
勿迫熿也生薑良薑能解散寒邪發越陽氣
亦要藥也 陰毒沉細而疾身冷有汗陰毒
甘草湯白朮散附子散正陽散肉桂散回陽
丹返陰丹天雄散正元散退陰散金液丹可
遲用之令陽氣復而大汗解矣 陰毒已深
則灸氣海關元二穴以手足和爲効仍以前
項藥濟之若六脉附骨疾勢困甚者臍中用
先艾後葱法方訣詳具于後凡治陰毒得陽

氣乍復者皆生煩燥切勿誤投涼藥躁甚與
返陰丹葦 陽毒外證身重大熱面目俱赤
無汗頭疼腰背四肢疼痛發斑如錦紋心下
結悶煩燥咽痛麤唾吐膿血下利赤黃小
便亦赤黃錯語驚狂或走甚者舌卷而焦黑
鼻如煙煤 陽毒弦洪促數身熱無汗陽毒
升麻湯葶藶苦酒湯卽米醋大黃湯梔子仁
湯黑奴圓太乙牛黃膏用竹葉湯調下或研
生地龍大者三條入生薑汁薄荷汁生蜜腦

于各少許新汲水調灌下可選用之令陰氣
復而大汗解矣陽毒大熱煩渴譫語赤斑衄
血不止白虎湯一服效 陽毒已深脉洪大
內外結熱舌卷黑鼻中如烟煤用新汲水浸
濕布數重搭於胷上續又換新水浸布漬冷
熱勢纔減卽已之詳法于後 太師陳北山
方訣治陰毒心下結伏按之極痛大小便秘
澀累日用藥不下但出氣稍煖亦可療治急
取巴豆肉十粒研爛入麪一錢許捻作一餅

聚聚
二十
堅實安頓臍心立小艾柱灸五七壯覺腹中
鳴良久自通利其次用葱白一束緊扎切作
數餅灸令溫熱貼於臍下以熨斗火熨其上
續又易之漸覺體溫卽以五積散二錢附子
末一錢薑七片棗二枚鹽少許水大盞煎七
分溫服連併二三劑卽汗出而瘥又法以大
蒜一枚搗研捏作餅子灸熱置於臍心灸十
壯大小便卽通 治陽毒累經藥下不通結
胃堅硬按之極痛或稍通而復再結喘促極

熱大燥狂亂卽取大活地龍四條洗淨砂盆
內研如泥入生薑自然汁少許蜜一匙薄荷
汁少許新汲水小盞調和徐徐灌盡漸次涼
快若熱熾者加腦子少許如未効再作一劑
自然汗出而解或用竹葉湯調太乙牛黃圓
灌下二毒灌藥少頃以手揉其心膈卽得藥
下 本事方灸結胃巴豆肉七粒黃連七寸
擣細津唾調膏安於臍心艾灸其上不拘壯
數以腹中有聲爲効灸畢卽以湯蘸軟帛拭

之恐成瘡爛此方與集驗神功散一同陰陽
二毒但有微氣者皆可灸臍間有聲卽得汗
解 尚藥孫用和破結丹治陰陽伏逆變爲
結胃五六日大便結攻之不及達之不可以
此主之用錦辰砂銀青礞石北亭脂肉豆蔻
木香官桂牽牛生黑附炮巴豆肉不去油各
半兩輕粉半分麝半錢金五箔右件將法醋
半升入朱砂附子牽牛三末熬成膏次入餘
藥打和得所圓如皂子大輕粉衣每二圓蜜

湯調下

陽證似陰陰證似陽

陽證如陰冷四肢滑沉尿赤大便稀面紅
煩燥身微熱陰證如陽沉更微
陰極發燥熱極發厥物極則反也重陽必陰
重陰必陽寒暑之變也四肢冷小便赤大便
秘或糞色黑眼開言動脉沉而滑謂之陽證
似陰面赤煩燥身有微熱眼閉穀熱脉沉而
微謂之陰證似陽欲知的定當推原反本察

色聽聲辨以六經參以外證徐徐焉據脈驗
之數熱遲寒陰陽別矣陽之體輕陰之體
重陰家脈重陽家脈輕陽盛且靜陰盛夜
寧陽虛暮亂陰虛夜爭陽證似陰白虎湯
熱極生寒則四肢逆冷水或用承氣湯陰
證似陽四逆湯加蔥自主之陰盛則燥下虛
則面赤衰寒則身微熱也

陰盛隔陽

陰盛隔陽脈細沉疾身冷大煩燥嗜臥泥水

之中欲飲水而不欲入口者是飲水者非可
服霹靂散少焯散丹砂圓亦効孫用和以半
兩黑附子一枚燒存性候冷爲末入真臈茶
一大錢匕和爲二服每服水一盞蜜半匙煎
六分冷服躁止得睡汗出皆藥之驗也

小柴胡湯加減法

傷寒諸方惟小柴胡爲用最多而諸家屢稱
證之蓋以柴胡半夏能利能汗凡半表半裏
之間以之和解皆可用也抑不知小柴胡非

特爲表裏和解設其於解血熱消惡血誠有功焉蓋傷寒發熱一二日間解撤不去其熱必至於傷血不問男女皆然小柴胡湯內有黃芩柴胡最行血熱所以屢獲奇功但藥性差寒用之貴能加減今推明活法凡表發熱裏又有燥渴糞鞭熱證者是爲內外俱熱小柴胡加大黃裏無熱證但發熱在表者小柴胡加桂桂主解表可以溫血所謂陰盛惡寒甘辛發散者此也大黃主攻裏可以蕩滌血

熱所謂陽盛內熱酸苦湧泄者此也是又別其解表以溫攻裏以寒之義若遇少陽本證及無表裏證或表裏不分之證但依本方用之並不須加減此爲正訣虛者少與尤在酌量了母見後學數輩療治傷寒輒用當歸其意蓋爲調血計不思一滯中脘二動痰涎三壞胃氣而血熱又非常歸之所能除惑之甚矣否則熱入血室張氏特以小柴胡主之何哉雖然均是和解耳局方以和解散平穩之

劑爲和解張氏以小柴胡差寒之劑爲和解
意安在哉蓋局方和解散爲尋常感冒和平
解散設也若夫熱在半表半裏旣不可汗又
不可下非小柴胡一劑孰能內和而外解之
乎然而學者亦不可以輕心而用小柴胡也
脈之不審證之不詳縱橫泛應執小柴胡以
爲公據脫遇浮熱似陽其不誤人性命幾希
矣甚者僅以小柴胡收効一二而乃不遵格
法輕用大柴胡立意一差禍不旋踵吁可畏

哉

傷寒諸篤證

搖頭直視形如烟熏心絕 唇脣反青四肢
多汗肝絕 反目直視狂言遺尿腎絕 汗
出髮潤喘而不休肺絕 環口鰓黑柔汗發
黃脾絕 汗出如油喘促無已水漿不下形
體不仁命絕 大發濕家汗則成痙熱而痙
不治 發濕溫汗身青面變耳聾不語曰重
暍不治 發風溫汗必讖語並不治 發風

濕中濕汗並逆 發動氣汗不治 發少陰
 汗九竅出血曰下厥上竭不治 發少陽汗
 則譫語 發汗只在頭面不至遍身鼻衄不
 止者逆 發汗不至足者逆 諸逆發汗劇
 者言亂目眩並不治 當汗無汗服麻黃數
 劑汗不出者不治 汗出如珠不流不治
 汗出如油口噤肉戰聲吟喘促不治 汗後
 嘔吐水藥不入口者逆 熱病脉躁盛而不
 得汗不治 汗後不為汗衰復大熱臍躁疾

狂言不食曰陰陽交不治 忽冒昧無脉服
 藥後汗解則生若無汗脉不至者不治 少
 陰厥逆無脉服藥通脉其脉漸續則生暴出
 則不治 下利厥逆無脉灸之脉不回身不
 溫不治 少陰四逆下利惡寒而拳發躁無
 脉不治 下利日十餘行其脉反實者逆
 少陽陽明合病下利脉長大而弦曰負不治
 陽病見陰脉不治 發斑屬陽見陰脉不治
 代脉不治吐血衄血脉反浮大而牢不治

陰易陽易脉離經外腎腫腹中絞痛手足拳
攣不治 欬逆上氣脉散者不治 譫語脉
反沉微四肢厥冷不治 脉陰陽俱虛熱不
止者不治 七八日以上發大熱難治 舌
本爛熱不止者逆 下利發熱或汗不止厥
不止並不治 下利發熱厥逆燥不得眠不
治 譫語直視或喘滿或下利並不治 譫
語屬陽見陰證者逆 傷寒脉乍疎乍數不
治 發斑先赤後黯面色黧晦不治 發斑

大便自利不治 發黃而變黑不治 口乾
舌黑不治 口張目陷不治 張口出氣乾
嘔骨骸熱痛者逆 咳逆不止者不治 心下
痞悶上氣喘急者逆 霍亂喘脹煩燥不治
誤下濕家額汗喘促或小便不利大便自利
不治 頭汗內外關格小便不利此爲陽脫
不治 腹滿咳逆不得小便不治 腹大滿
而下泄不治 若脉洪緊而滑尤可慮 臟
結如結胃舌白胎陰筋引臍腹痛時時下利

不治 結胃證具加煩燥不治 臟厥七八
日發厥膚冷煩燥下利無時暫安不治 少
陰吐利厥逆煩燥不治 厥而下利反能食
者曰除中不治 四肢厥逆臍下絞痛石硬
眼定者逆 厥陰唇青舌卷黑而耳聾囊縮
不治 頭連腦痛甚手足俱寒不治 陰毒
陽毒過六七日不治 兩感不治 狐惑咽
乾聲啞唇瘡不治 赤斑五救其一 黑斑
十救其一 尋衣摸空者逆

傷寒別名

清便自調自可謂大小便如常也 大便秘
而堅則曰鞭 小便不利小便少下利清穀
皆謂水穀不分 得大便曰更衣 大便堅
小便利曰脾約 下利曰飡洩 腸僻謂痔
也 寒而利曰鴨溏熱而利曰腸垢 轉
失氣謂氣轉而響時時失下卽後分泄氣蓋
腹中有積 大汗傷氣大下傷血或火邪逼
迫驚狂或尺寸脉緊而反有汗或發汗後汗

不止而漏風或陰病本無汗而反有汗或其
脉浮遲微弱不能作汗皆曰亡陽吐汗下
溫針以後其病不解曰壞病曰何逆瘧後
更發熱曰遺熱脉相尅賊曰負兩手無
脉曰雙伏一手無脉曰單伏左關脉曰人
迎右關脉曰氣口足趺上動脉曰衝陽足後
跟上陷中動脉曰太谿婦人乳頭直下近
腹處曰期門臍下一寸曰氣海二寸曰丹
田三寸曰關元玄府卽汗空也臍間動

氣曰奔豚筋惕肉動曰瞤中暑曰中
暍妄發濕溫汗曰重暍渴欲飲水水入
卽吐曰水逆心下停水怔忡身無大熱頭
額微汗曰水結胃乾嘔曰腕咳逆曰噦
目中不了了謂不明瞭也睛不和謂不和平
如常也三月至夏方發病曰晚發

藥有寒溫相濟

黃連湯用乾薑黃連柴胡桂薑湯用黃芩薑
桂麻黃升麻湯用桂枝石膏返陰丹用附子

賦粉陰段湯用乾薑黃芩與夫桂枝石膏湯
桂枝大黃湯乾薑黃連黃芩人參湯某藥性
寒某藥性溫溫以調陰寒以調陽蓋使陰陽
調而得其正其有陽證當下而表怯者陰證
當溫而帶熱者皆可以前例推之亦當權其
冷熱重輕爲之增減斯可矣雖然古之分劑
與今之分劑多寡又不同焉藥則秤三四錢
爲一服水則用一大盞取七分爲一劑此亦
通今之論也所謂利藥不嫌生溫湯須要孰

又當權衡於此云

據脉

傷寒治法據脉爲要問證次之證如此脉亦
如此條例徑行若證熱而脉遲證寒而脉數
切不可自惑於倉卒須是略去外證專以脉
爲主領斟酌而調理之庶無差誤雖然偏陽
之脉又何耶曰人稟陰陽二氣陰根於陽陽
根於陰往來流通而無間斷者也一或偏勝
百病生焉蓋偏陽則多熱偏陰則多寒偏陰

則六脉虛濡按之無力頗有細瀉輕瀉之狀
病主沉寒法當溫散人所易知若夫病軀內
外有熱其脉不數不洪但指下急瀉而小緊
如枝條刮刮之狀此則爲陽勝陰當用寒涼
之劑以解陽熱愆伏之邪以行血熱凝結之
毒不可錯認以爲脉小脾虛誤以溫藥益其
疾也縱或嘔逆亦是熱邪乘虛熱氣閉隔斷
不可以溫脾之劑投之否則墮厝火積薪之
轍矣凡病皆當審斯

警省

傷寒證候頃刻傳變傷寒治法繩尺謹嚴非
可以輕心視之也其間種類不一條例浩繁
是固難矣至於陰極發燥熱極發厥陰證如
陽陽證如陰脚氣似乎傷寒中暑似乎熱病
與夫蓄血一證上熱下冷乍開乍寒甚至四
肢發厥昏迷悶絕凡此等類尤當審思而明
辨之若疑似未別體認未明姑且試探切不可
妄投決病之劑方匕雖微死生之係也謹

之哉

藥方

本祖南陽活人書其詳見於傷寒百問
凡下證不得用圓子藥謂水銀硃巴粉霜
之類作圓以為轉下藥性有毒只取積滯
傷動臟腑不能蕩滌邪熱以去病也
小兒傷寒節度如大人法但分劑少異其
間用藥小冷耳

直指方

佐助小柴胡湯

傷寒留蓄惡血內外俱熱昏潰讖語亦有耳
聾虛鳴之證與少陽經受病相似如服小柴
胡湯不效當以黃連一分赤茯苓半分剉細
入燈心煎與之男女通用凡大小產熱入血
室小柴胡湯力所不及者於內加五靈脂仍
以黃連赤茯苓湯佐之蓋心主血黃連茯苓
皆清心涼血之劑所以收功若夫疎利血毒
則活人書桃仁承氣湯有餘勇矣

傷寒筋惕肉瞤治法

筋惕身瞤發汗大過所致也古人以真武湯主之然真武湯能止其汗而不能定其瞤瞤者動也汗出表虛外風必入於腠理人知風以動之所以惕惕而自瞤而不知汗多則傷血血虛無以榮筋筋愈急而四體百骸愈爲之瞤動治法不用驅風并發散等輩惟人參當歸川芎芍藥半夏茯苓甘草作劑以五靈脂爲佐入生薑烏梅同煎自有神效右藥專

於生血生血乃所以收汗其或大便秘澁少加大黃以導之血脉一和不反掌而靜定矣嚴氏濟生方

傷寒論治大要

夫人生天地之間以氣血籍其真是故天無一歲不寒暑人無一日不憂苦故有傷寒天行瘟疫之病焉蓋冬令爲殺厲之氣君子善攝生者當嚴寒之時行住坐臥護身周密故不犯寒毒彼奔馳荷重勞房之人皆辛苦之

徒耳當陽閉藏而反擾動之則鬱發腠理津液疆漬爲寒所薄膚腠緻密寒毒與榮衛相渾當是之時壯者氣行則已怯者則著而成病矣不卽病者寒氣藏於肌骨之間春則病溫夏則病熱此皆一氣使然也古之治法一日在皮當摩膏而火灸之二日在膚依去鍼解肌發散之汗出則愈三日在肌再亦發汗愈四日在胃宜吐之五日在腹六日在胃且下之此華佗之治法也若按三陰三陽之法

傳變無出仲景之書蓋治傷寒有法治雜病有方雜病之方可以異其傳調理傷寒當按定法也茲不復敘今具四時大略用藥于後
春病風寒頭痛發熱身體疆痛宜進香蘇散或十神湯或欲發汗加葱白薑豉煎中
夏感風暑頭痛發熱身疼煩渴宜用五苓散或煎葱白湯調服

秋感風冷身熱頭痛鼻塞咳嗽宜進金沸草散

冬冒風寒身熱頭痛無汗惡寒宜進五積散

管見大全良方

感冒證治

夫感冒之證皆曰傷寒未易輕議活人書中論傷寒之證一十有三曰傷寒傷風熱病中暑溫病溫瘧風溫溫疫中濕風濕濕溫瘧病溫毒也又有痰證食積虛煩腳氣皆是憎寒發熱有類傷寒然治之有法非雜病之比五

種不同六經各異陰陽傳變日數淺深藥劑溫涼治有先後差之毫厘輕者危殆且如太陽病發其汗遂漏不止其人惡風小便難四肢微急難以屈伸者桂枝加附子湯主之又太陽病自汗四肢拘急難以屈伸心煩微惡寒脚攣急小便澀者慎不可與桂枝也宜與甘草乾姜湯芍藥甘草湯但觀此二證相去不遠而用藥一差便有死生禍福之異况有不識法者乎傷寒惟兩感不治其餘證候雖

感異氣能消息之無不愈者設有差失仲景所謂醫殺之耳所以在表宜汗在裏宜下半在表半在裏宜和解表裏兩證俱見隨證滲泄無表裏證用大柴胡湯下之知其法者若網在綱如此而汗如此而吐如此而下桂枝承氣瓜蒂四逆用之而不差惟其應汗而下爲痞爲結胃爲懊懣應下而汗爲亡陽爲譫語爲下厥上竭又有當溫反吐療熱以溫變證百出無復紀律擾擾萬緒起矣是以不易

言者此也班固有言有病不服藥爲中醫蓋謹之也

傷寒在表證治

夫一時感冒輕者言之如憎寒惡風發熱頭痛身體百節疼痛小便清無汗脉浮緊者在表當發其汗則愈宜麻黃湯若不辨脉息况始得病之初且以升麻葛根湯十神湯芎芷香蘇散萬金散以解之若汗不出其熱未退尙惡傷寒切不可輕用大黃等藥利之蓋其

病尚在表且以升麻葛根湯或敗毒散必解矣初虞世云南人用藥失之太熱北人用藥失之太寒惟敗毒散升麻葛根湯爲解肌之冠若又未解身熱惡寒無汗脉浮却以葛根解肌湯服之必得汗而解若得汗後切宜避風

傷風證治

若發熱頭疼身體痛惡風自汗小便赤少脉緩弱者此名傷風也當以桂枝湯若初得病

之輕者且以神木散或神仙百解散或和解散與服大抵傷寒傷風只論有汗無汗若發熱惡寒無汗名傷寒發熱惡風有汗名傷風經云有汗不得服麻黃無汗不得服桂枝者此也又有傷風之輕者但頭目昏眩鼻流清涕或鼻塞聲重噴涕不已甚者咳嗽宜以神米散玉屏風散無汗者消風百解散極妙

頭痛壯熱證

若頭痛壯熱者可與敗毒散甚者方可與柴

胡石膏湯

少陽經病證治

若傷寒三四日後胃脇痛耳聾口苦舌乾往來寒熱而嘔者屬少陽宜以小柴胡湯治之

傷寒在裏證治

若不惡風寒但惡熱手掌心并腋下濺濺汗出大便秘小便赤或譫語或汗多或口燥舌乾腹脹氣急脉沉而滑實者裏證也亦不可候他證須急下之宜大承氣湯若疑貳之間

且以大柴胡湯蓋恐承氣太緊耳凡傷寒雖然下證悉具然發於陽者下之早則爲結胃發於陰者下之早則爲痞况於誤下誤汗者乎

傷寒表裏不解證治

若病人脉浮大是表證當汗其人發熱煩渴小便赤却當下此是表裏不解五苓散主之若感風發熱六七日不解有表復有裏渴而飲水水入卽吐名曰水逆亦宜以五苓散

傷寒表裏兩證俱見證治

若不大便六七日頭痛發熱病在裏當下之
其人小便清者知不在裏仍在表當須發汗
此是兩證俱見即未可下宜以桂枝湯

傷寒半在裏半在表證治

若病人心中滿口不欲食大便硬脈沉細是
裏證當下其人頭汗出微惡寒手足冷却當
汗此兩證俱有仲景所謂半在表半在裏也
小柴胡湯主之

傷寒表裏不解證治

若太陽病表證未除而醫數下之遂協熱而
利利不止心下痞鞭仲景謂之表裏不解桂
枝人參湯主之

傷寒有表復有裏證治

若太陽病醫反下之因爾腹痛是有表復有
裏宜桂枝加芍藥湯痛甚者桂枝加大黃湯
傷寒表未解而醫反下之證治

若太陽病桂枝證醫反下之利遂不止脈促

者脉來數時表未解也喘而汗出者葛根黃
芩黃連湯主之

傷寒表熱裏寒表寒裏熱證合

若病人身大熱反欲得衣熱在皮膚寒在骨
髓脉須沉而遲手足微厥下利清穀名表熱
裏寒也宜先與陰旦湯寒已次與小柴胡加
桂湯以溫其表若病人身大寒反不欲近
衣寒在皮膚熱在骨髓名曰表寒裏熱也脉
必滑而厥或口燥舌乾也宜先與白虎加人

參湯熱除次以桂枝麻黃各半湯以解其外
此其大略也若表裏不分攻之不愈其證
疑惑便不可輕易深進藥餌當與明了醫
者商議以病合證以證合方要依經典活人
也而投之未有不妥者也若醫者口授一
方自逞了了強作明能皆不本於方冊妄
謂得之家傳已効之方斯皆庸謬不經微
倖萬一之徒設或輕信之而服其所投之
劑是亦自斃而已故不合於和劑方王氏

指迷太平聖惠千金外臺活人等書皆不
妄進切宜謹之

傷寒陰證治

傷寒兩三日或五七日身體疼痛不可轉側
自汗四肢厥冷瀉而不渴或吐泄瀉臍腹痛
或有咽喉痛者可與理中湯若四肢冷甚
腹痛氣急者與薑附湯多加甘草煎服及附
子理中湯併服若更重者可與黑錫丹金液
丹隨輕重而用之若瀉止四肢復有寒熱却

與五積散加茱萸鹽煎或與聖散子之類得
微汗而解不然則毒氣再復便難治也

傷寒陽證治

傷寒六七日或十數日或誤服諸熱藥發熱
煩躁狂走面赤而渴或瀉赤汁膿血者可與
洗心散四順清涼飲小柴胡湯小三黃圓主
之

傷寒潮熱證治

傷寒五七日至十日已上早間稍惺惺至申

西前後發熱不惡寒有汗出大便不通三兩日或譫語而渴可先與辰砂五苓散如不退次與小柴胡湯如又未退且與洗心散又未退合用調胃承氣湯故仲景云其熱不潮未可與大黃藥則知潮熱當下無疑矣

傷寒渴證治

傷寒至十數日渴甚或發熱而渴不惡寒大便如常者此是胃中虛燥可與五苓散甚者竹葉石膏湯若是夏月恐是伏暑宜兼以酒

蒸黃連圓

傷寒發黃證治

若傷寒眼睛身體皆熏黃色小便不利或頭汗出者以山茵陳山梔子仁炒各二錢重濃煎湯調五苓散多服取效若因酒作瘴身體面目悉黃者小柴胡湯主之

傷寒咽痛證治

傷寒咽喉痛者多是陽氣上熏則咽喉痛也輕者可與升麻葛根湯加桔梗煎或如聖湯

甚者日久不退可與洗心散四順飲犀角消
毒飲

尋常咽喉腫痛者可與升麻葛根湯或如聖
湯玉屑無憂散腦麝三黃圓痰涎壅盛者雄
黃圓如聖勝金錠極效

酒後感風憎寒發熱證治

凡人飲酒後感寒必先惡寒未曾發熱必喜
親火然後頭痛發熱身體痛惡寒無汗者可
與升麻葛根湯或參蘇飲加乾葛煎蓋葛能

解酒毒也多見俗醫下學無識便以五積散
而殺之可不慎歟

傷寒鼻衄證治

傷寒五七日鼻衄或吐血者以犀角地黄湯
鼻衄者以白茅花濃煎湯調五苓散雖云傷
寒衄血者愈然陽氣盛則吐衄不可用諸般
溫熱藥但宜與白茅花如無以根代之濃煎湯吞雞
蘇圓或薄荷煎若吐血衄血不止者以此湯
吞小三黃圓或煎成洗心散調真蒲黃服之

傷寒頭痛證治

傷寒病雖退而頭痛不止者蓋諸陽所聚熱毒之氣上攻致令頭痛不止可與太陽丹龍腦芎犀圓

傷寒嘔逆證治

傷寒嘔逆不止五七日至十數日發熱口乾渴小便赤者可與五苓散 若胃脇痛口苦舌乾往來寒熱而嘔者屬少陽可與小柴胡湯或少氣虛煩吐逆者與竹葉石膏湯若服

冷藥太過胃寒而吐者則不渴大便如常或自利或吐蚘蟲此胃中寒也可與理中湯嘉禾散

其傷寒腹痛證治

傷寒腹痛有冷有熱不可一槩用藥或發熱不惡寒或渴大便三四日不通腹中達臍而痛者此胃中有燥屎也不可用溫熱藥輕者且與小柴胡湯加芍藥喫三四服如大便未通可用大柴胡湯 若因服冷藥太過大便

自利身無熱不渴手足冷而腹痛者此冷痛也輕者理中湯重者加附子或姜附湯加木

傷寒喘急證治

諸般喘急附

傷寒喘急只有太陽陽明二證若太陽病頭

疼發熱身疼惡風無汗而喘者可與麻黃湯

發其汗則愈太陽病下之微喘者表未解

也桂枝加厚朴杏子湯主之又桂枝證醫

反下之利遂不止脈促者表未解也喘而汗

出者葛根黃芩黃連湯主之太陽與陽明

合病喘而胃滿者宜汗之屬麻黃湯若陽

明病脈浮無汗而喘者亦當用麻黃湯若

陽明病汗出不惡寒腹滿而喘有潮熱者宜

下屬承氣湯又發汗後飲水多欬而微喘

者水停心下腎水乘心上也小青龍去麻黃

加杏仁主之小腹滿者去麻黃加茯苓也

已上是治傷寒而喘若尋常感風風邪乘

於肺經喘急者可與華蓋散欬肺散人參潤

肺圓寒喘湯欬冬花散蘇子降氣湯虛寒者

兼服黑錫丹 若肺經有熱而喘者口燥舌乾心煩大便秘小便赤者可與洗心散冷水調服 若喘而不得卧者當作水氣治之後見

傷寒咳嗽證治 諸般咳嗽附

傷寒咳嗽者風寒邪氣乘於肺經或飲水過多停飲也咳而微喘發熱而渴或發寒熱脇下痛者可與小青龍湯 若脇下痛甚者此有飲也於小青龍湯加醋炒芫花少許煎芫花不可多入 如發寒熱咳嗽未盡退宜與

小柴胡湯去人參生姜大棗每貼加北五味子三十粒乾姜一字許同煎或以秦芫鱉甲散若尋常遇夜嗽甚或吐清涎若飲酒則嗽減此寒嗽也又名傷冷嗽也可與細辛五味子湯五嗽圓人生薑香散胡椒理中丸或理中湯加北五味子煎 若胃膈不快氣壅上盛臉赤口舌乾燥遇飲酒則甚此熱嗽也可與金沸草散加桑白皮煎華蓋散洗心散大阿膠圓人參養肺丸人參欵花膏 若咽乾

膈熱咯血者宜大阿膠丸蠟煎散人生養肺丸龍腦雞蔓丸婆苛煎若血熱妄行吐血者可與龍腦雞蘇丸婆苛煎四物湯加荆芥煎服因虛勞用力太過吐血不止者秘傳降氣湯肺癰咯唾膿血者如聖湯秘傳降氣湯主之寒熱相交咳嗽甚者秋冬之間多有之可與華蓋散欵冬花散人參欵石膏人生潤肺丸小兒潤肺散極效須是三錢重作一服老人小兒喘嗽尤宜服之若受濕

咳嗽者可與藿香正氣散或異功五積散加大棗煎服素問云秋傷濕冬咳嗽是也

瘴說

瘴疾之盛多在兩廣不問老少貴賤沾此疾者少有生全僕遍尋方論更無至當之說聞後人撰集迴車論及嶺南代答僕未見其文不知要領然幸嘗親履其地可不窮其要旨謹立此一門以備急用雖曰太略然愚者或有一得也僕原疾之由蓋極南之地暄熱下

潦上霧毒氣熏蒸而成斯疾故杜荀鶴送人
遊南海詩云花鳥名皆別寒暄氣不齊東坡
荅周文之默化堂帖亦云嶺南無大寒甚暑
秋冬之交勾萌盜發春夏之際柯葉潛改四
時之運默化而不知但熬峯之頂晨光開而
便晴暄雲氣罩而隨雨澤寒燠翻覆間每日
備四時之氣而廣之諺曰四時常是夏一雨
便成秋又徐訥與徐彥云南海黃芽瘴不死
成和尚每聞此疾不死必禿何也然其疾多

是發熱蒸乾了血脉至令禿也僕常處南海
一日之間或寒或熱或當寒而熱或當熱而
寒氣候不齊如此若四時不能攝養便成感
冒瘴癘之疾其證多令人憎寒發熱煩渴腹
脹脚腫目赤大小便不通或腹脇間有一癍
塊而痛者名曰瘴母僕因是證而詳審古人
用藥意義粗得其要如瘴之名有烟瘴如烟霧之
氣也有嵐瘴是山嵐之氣也有青草瘴三月時得疾者有黃芽
瘴八月九月得疾者有黃瓜瘴每遇四五五月瓜黃時有

蝮蛇瘴

大蛇吐其毒氣人吸之而成病

有蝦蟇瘴

占之則有為夜蚊

蚯蚓瘴

雨後蚯蚓亦能吐其毒氣

有烏蜂瘴

遇風起則有烏毒蜂漫

空遍野人入人屋室亦有惡氣

隨之若人吸其氣則病而死

若在廣中無病

回家山則病名曰迴頭瘴又有寒熱之疾名

曰瘴瘧若心腹疴刺疼痛者名曰攪腸瘴深

窮其狀無此名稱無非土人倣像而名之豈

可為法雖曰寒暄不齊熱毒之氣熏蒸而成

然彼方之人不造廁室不問男女皆是野溷

遇天氣暄熱則臭穢之氣遍熏街路人吸其

氣安得不成病乎若自己之氣盛感之則必

有太過熱盛之證令人發熱煩悶狂躁腹膨

舌脹大小便不通彼方之人無藥可服但祭

鬼祝由而已間有以針刺舌下放出惡血自

此而愈亦是開門放賊之義古賢用至寶丹

紫雪敗毒散辰砂五苓散香苓散以解之或

良方中木香圓利之必愈雖是發熱大便不

秘小便不赤腹不脹滿者未可輕用大黃芒

硝等藥蓋熱在表故也亦有熱甚者置病人

於冷水中而安者亦有用沙糖地龍研細冷水調服而愈者此亦彼中之良法若自己怯弱而沾此疾則其證多寒四肢逆冷身體倦怠體如被杖臍腹冷痛眼睛疼大便自利小便或多不進飲食宜以聖散子四逆湯真武湯冷附湯若疑似之間但以不換金正氣散牛料五積散大藿香正氣散以溫之如寒暄不齊其證憎寒發熱頭痛項強身體拘急百節疼痛者先以十神湯芎芷香蘇散

敗毒散百解散冲和湯入廣相公湯皆可選用之或寒熱如瘧先宜以剉散子秦艽鱉甲散荆芥煮散五苓散以調之甚者以良方木香圓詳悉見治瘧一篇中若平居無恙之時凌晨常服法製蒼朮或平胃散正氣散不換金正氣散對金飲嘉禾散沉香降氣湯烏沉湯蘇合香圓理中圓香蘇散大藿香正氣散正其胃氣流暢氣血凌晨無使飢渴後能節飲食神時氣門已閉飲若房色太過精

氣虧虛亦能沾此 凡處瘴鄉能簡出入正
 胃氣節飲食遠房色雖曰居大法場中亦無
 害也若不能戒慎雖不在煙瘴之地者猶未
 免天枉况處烟瘴之地乎素問云我身之虛
 更逢天之虛邪未有不死者也大抵療此疾
 者要察陰陽表裏冷熱觀脉息大小浮沉虛
 實在表者汗之在裏者下之在上者湧之也吐
 在下者泄之也利寒者溫之熱者涼之以平為
 期不可以過此為大法是以黃帝興四方之

問後之學者不可不究管見如此儻與我同
 志之士有至當之論其可隱諸

欽疫證治

夫疫之為病統而言之則一歲之中長幼疾
 狀多相似者謂之天行是也若春應暖而清
 氣折之則責邪在肝病名青筋牽夏應暑
 而寒氣折之則責邪在心名赤脉攢秋應
 涼而熱氣抑之則責邪在肺病名白氣狎天
 冬應寒而暖氣抑之則責邪在腎病名黑骨

類聚 卷之六 五十五
温 土無正形因火而名故附金木水火而
變病病名黃肉隨其天行之病大則流毒天
下次則一方一鄉或偏著一家悉由民庶同
業所召故天地靈祇假斯不正之氣而責罰
且人命有遭逢時有否泰故有偏著一家者
况疫之所興或因溝渠不泄滄其穢惡熏蒸
而成者或地多死氣鬱發而成者或官吏枉
抑怨譴而成者世謂獄殛傷殛墓殛廟殛社
殛山殛海殛家殛船殛竈殛歲殛天殛地殛

兵殛等不可不究古法辟之以屠蘇酒辟温
丹等外以門符書籙籙籙仍早晨洗盥罷
焚香大小默念東海神阿明南海神祝融西
海神巨乘北海神禺强各七遍以厭禳之

殛疫證治

凡一歲之中長幼疾狀多相似者此名瘟疫
也然四時皆有不正之氣春夏亦有寒清時
秋冬或有暄暑時人感疫癘之氣故一歲之
中病無長少牽相似者此則時行之氣俗謂

之天行是也宜與芎芷香蘇散十神湯升麻葛根湯敗毒散如熱不退者柴胡石膏湯大便秘者喝起散主之若春應暖而清氣折之則責邪在肝三四月或有暴寒其時陽氣尚弱爲寒所折病熱猶輕宜與升麻葛根湯解肌湯主之夏應暑而寒氣折之則責邪在心五六月陽氣已盛爲寒所折病熱則重七八月陽氣已衰爲寒所折病熱亦微宜以調中湯針干湯半夏桂枝甘草湯可選而用

秋應涼而反大熱抑之則責邪在肺濕熱相搏民多病痺痺者黃也宜白虎加蒼朮湯濃煎茵陳湯調五苓散冬應寒而反大溫抑之則責邪在腎其冬有非節之暖者名爲冬溫此屬春時陽氣發於冬時則伏寒變爲溫病宜萎蕤湯土無正形因火而名當隨其經而取之也仲景云冬溫之毒與傷寒大異蓋傷寒者傷寒氣而作冬溫者感溫氣而作寒疫者暴寒折人非觸冒之過其治法不同

所施寒熱溫涼之劑亦異不可拘以日數發汗吐下隨證施行要之治熱以寒溫而行之治溫以清冷而行之治寒以熱涼而行之治清以溫熱而行之以平爲期不可以過此爲大法

傷寒明理論一

發熱

傷寒發熱何以明之發熱者謂怫怫然發於皮膚之間焞焞然散而成熱者是也與潮熱

寒熱若同而異與煩躁相類而非煩躁者在內者也潮熱之熱有時而熱不失其時寒熱之熱寒已而熱相繼而發至於發熱則無時而發也有謂翕翕發熱者有謂蒸蒸發熱者此則輕重不同表裏之區別爾所謂翕翕發熱者謂若合羽所覆明其熱在也故與桂枝湯發汗以散之所謂蒸蒸發熱者謂若薰蒸之蒸明其熱在內也故與調胃承氣湯攻下以滌之其發熱屬表者卽風寒客於皮膚

陽氣怫鬱所致也其發熱屬裏者卽陽氣下
陷入陰中所致也觀其熱所從來而汗下之
證明其辯焉若熱先自皮膚而發者知邪氣
之在表也若熱先自裏生而發達於表者知
邪氣之在裏也舉斯二者爲邪氣在表在裏
而發熱也惟其在表在裏俱有發熱故邪在
半表半裏者亦有發熱之證何者以表證未
罷邪氣傳裏裏未作實是爲半表半裏其發
熱者或始自皮膚而漸傳裏熱或始自內熱

而外連於表蓋邪氣在表發熱者則表熱裏
不熱也邪氣在裏發熱者則裏熱甚而達於
表也其在半表半裏發熱者則表裏俱發熱
而但熱又輕於純在表者也經雖云發熱惡
寒者發於陽也無熱惡寒者發於陰也然少
陰病始得之亦有反發熱者蓋亦屬其表也
特與麻黃細辛附子湯發汗者是已發熱爲
傷寒之常也一或陰陽俱虛與其下利新汗
後又皆惡其發熱也經云脉陰陽俱虛熱不

止者死下利發熱亦死內經云汗出輒復熱而脈躁疾不爲汗衰狂言不能食此名陰陽交交者死也斯亦發熱也詎可與常常發熱一槩而論耶醫者更當明辯之

惡寒

傷寒惡寒何以明之惡寒者風寒客於榮衛之中也惟其風寒客於榮衛則洒淅然惡寒也惟其榮衛之受風寒則嗇嗇然不欲舒也其惡寒者非寒熱之寒也又非惡風也且惡

風者見風至則惡矣得以居密室之內幃帳之中則坦然自舒也至於惡寒者則不待風而寒雖身大熱而不欲去衣者是也寒熱之熱謂寒熱更作熱至則寒無矣其惡寒雖發熱而不欲去衣也甚則至於向火被覆而猶不能遏其寒也所以然者由陰氣上入陽中或陽微或風虛相搏之所致也惡寒一切屬表雖裏證悉具而微惡寒者亦是表未解也猶當先解其外俟不惡寒爲外解乃可攻裏

也經曰發熱而惡寒者發於陽也無熱而惡寒者發於陰也謂如傷寒或已發熱或未發熱必惡寒者謂繼之以發熱此則發於陽也若惡寒而踈脉沉細而緊者此則發於陰也在陽者可發汗在陰者可溫裏惡寒雖悉屬表而在表者亦有虛實之別若汗出而惡寒者則爲表虛無汗而惡寒者則爲表實表虛可解肌表實可發汗又有止稱背惡寒者背者胷中之府諸陽受氣於胷中而轉行於背

內經曰人身之陰陽者背爲陽腹爲陰陽氣不足陰寒氣盛則背爲之惡寒若風寒在表而惡寒者則一身盡寒矣但背惡寒者陰寒氣盛可知也經曰所謂少陰病一二日口中和而背惡寒者當灸之處以附子湯者是矣又或乘陰氣不足陽氣內陷入陰中表陽新虛有背微惡寒者經所謂傷寒無大熱口燥渴心煩背微惡寒者白虎加人參湯主之者是也二者一爲陰寒氣盛一爲陽氣內陷又

何以明之也且陰寒爲病則不能消耗津液故於少陰病則日口中和及陽氣內陷則熱爍津液爲乾故於太陽病則口燥舌乾而渴也二者均是背惡寒要辨陰陽寒熱不同者亦於口中潤燥可知

惡風

傷寒惡風何以明之黃帝鍼經曰衛氣者所以溫分肉充皮膚肥腠理司開闔者也風邪中於衛也則必惡風何者以風則傷衛寒則

傷榮爲風邪所中於分肉不溫而熱矣皮毛不充而緩矣腠理失其肥則疎而不密開闔失其司則泄而不固是以惡風也是惡風惡寒二者均爲表證其惡風則比之惡寒而輕也惡寒者嗇嗇然增寒也雖不當風而自然寒矣惡風者謂常居密室之中幃帳之內則舒緩而無所畏也一或用扇一或當風淅淅然而惡者此爲惡風者也惡寒則有屬於陽者有屬於陰者及其惡風者悉屬於陽非若

惡寒之有陰陽也三陰之證並無惡風者以此也惡風雖悉在表而發散又自不同若無汗而惡風者則爲傷寒當發其汗若汗出而惡風者則爲中風當解其肌裏證雖具而惡風未罷者皆當先解其外也又有發汗多亡陽與其風濕皆有惡風之證蓋以發汗多漏不止則亡陽外不固是以惡風也必以桂枝加附子湯溫其經而固其衛風濕相搏骨節疼煩濕勝自汗而皮腠不密是以惡風也必

以甘草附子湯散其濕而實其衛由是觀之惡風屬乎衛者可知矣

寒熱

傷寒寒熱何以明之寒熱者謂往來寒熱也經曰邪正分爭往來寒熱者言邪氣之入也而正氣不爲之爭則但熱而無寒也乃有熱而寒者謂其正氣與邪氣分爭於是寒熱作矣爭則氣鬱不發於外而寒熱爭焉爭甚則憤然而熱故寒已而熱作焉茲乃寒熱之理

也或謂寒熱者陰陽爭勝也陽勝則熱陰勝則寒此陰陽之爭也何則蓋以寒爲陰而熱爲陽裏爲陰而表爲陽邪之客於表者爲寒邪與陽相爭則爲寒矣邪之入於裏者爲熱邪與陰相爭則爲熱矣其邪氣在半表半裏外與陽爭而爲寒內與陰爭而爲熱矣表裏之不拘內外之不定或出或入由是而寒熱且往且來也是以往來寒熱屬半表半裏之證邪居表多則多寒邪居裏多則多熱邪氣

半在表半在裏則寒熱亦半矣審其寒熱多少見其邪氣淺深矣小柴胡湯專主往來寒熱而又立成諸加減法亦爲邪氣在半表半裏未有定處往來不常又寒熱如瘧與夫發熱惡寒皆似而非也然寒熱如瘧者作止有時者也及往來寒熱則作止無時或往或來日有至於三五發者甚者十數奪與其瘧狀有以異也至於發熱惡寒者爲發熱時惡寒並不見惡寒時熱不見也不若此熱已而寒

寒已而熱者雖然應往來寒熱屬半表半裏當和解之又有病至十餘日而結熱在裏復往來寒熱者亦可與大柴胡湯下之不可不知也

潮熱

傷寒潮熱何以明之若潮水之潮其來不失其時也一日一發指時而發者謂之潮熱若日三五發者卽是發熱非潮熱也潮熱屬陽明必於日晡時發者乃爲潮熱陽明者胃屬

土應時則王於四季應日則發於未申經曰陽明居中土也萬物所歸無所復傳蓋邪氣入胃謂之入府府之爲言聚也若府庫之府焉邪氣入於胃而不復傳邪氣鬱而爲實熱隨王而潮是以日晡所發潮熱者屬陽明也惟其屬陽明故潮熱爲可下之證經曰潮熱者實也又曰潮熱者此外欲解也可攻其裏焉又曰其熱不潮未可與承氣湯卽此觀之潮熱屬於胃者昭然可見焉雖然潮熱爲裏

實可下之證一或脉浮而緊與其潮熱而利
或小便難大便溏者皆熱未全入府猶帶表
邪當和解其外外解已而小便利大便鞭者
乃可攻之或謂潮熱有屬太陽少陽者乎少
陽王於寅卯太陽王於巳午右熱於此時發
者爲邪未入胃豈得謂之潮熱必待日晡所
發者乃謂之潮熱見其邪在胃也遇疾值病
詳而驗之始見得真也

自汗

傷寒自汗何以明之自汗者謂不因發散而
自然汗出者是也內經曰陽氣衛外而爲固
也衛爲陽言衛護皮膚肥實腠理榮固津液
不得妄泄汗者干之而出邪氣干於衛氣氣
不能衛固於外則皮膚爲之緩腠理爲之疎
由是而津液妄泄濺濺然潤熱熱然出謂之
自汗也如發熱自汗出而不愈此衛氣不和
風邪干於衛也太陽中暍汗出惡寒身熱而
渴者暑邪干於衛也多汗出而濡此其風濕

甚者濕邪干於衛者也是知衛氣固護津液不令妄泄必爲邪氣干之而出也風寒暑濕之毒爲四時之氣中人則爲傷寒風與暑濕爲邪皆令自汗惟寒邪傷人獨不汗出寒傷榮而不傷衛衛無邪氣所干則皮腠得以密津液得以固是以汗不出也及其寒漸入裏傳而爲熱則亦使自汗出也蓋熱則榮衛通腠理開而汗泄矣然自汗之證又有表裏之別焉虛實之異焉若汗出惡風及微惡寒者

皆表未解也必待發散而後愈至於漏不止而惡風及發汗後惡寒者又皆表之虛也必待溫經而後愈諸如此皆邪氣在表也若汗出不惡寒者此爲表解而裏未和也經曰陽明發熱汗出此爲熱越又曰陽明病發熱汗多者急下之又非若邪氣在表而汗出之可緩也傷寒自汗之證爲常也設或汗出髮潤與其出之如油或大如貫珠著身出而不流皆爲不治之證也必手足俱周遍身悉潤

熱然一時間許煩熱已而身涼和乃爲佳矣
此則陰陽氣和水升火降榮衛通流邪氣出
而解者也內經曰陽之汗以天地之雨名之
此之謂也

盜汗

傷寒盜汗何以明之盜汗者謂睡而汗出者
也自汗則不或睡與不睡自然而出也及盜
汗者不睡則不能汗出方其睡也溼溼然出
焉覺則止而不復出矣雜病盜汗者責其陽

虛也傷寒盜汗者非若雜病之虛是由邪氣
在半表半裏使然也何者若邪氣一切在表
于於衛則自然汗出也此則邪氣侵行於裏
外連於表邪及睡則衛氣行於裏乘表中陽
氣不緻津液得澁故但睡而汗出覺則氣散
於表而汗止矣經曰微盜汗出反惡寒者表
未解也又陽明病當作裏實而脈浮者云必
盜汗是猶有表邪故也又三陽合病自合自
汗是知盜汗爲邪氣在半表半裏之間明矣

且自汗有爲之虛者有爲之實者其於盜汗之證非若自汗有實者悉當和表而已不可不知也

頭汗

傷寒頭汗何以明之頭者諸陽之會也邪搏諸陽津液上湊則汗見於頭也邪熱內畜蒸發腠理遍身汗出者謂之熱越若身無汗則熱不得越熱蒸於陽故但頭汗出也何者以三陰之經皆上至頸胷中而還不循於頭獨

諸陽脉上循於頭爾經曰但頭汗出身無汗劑頸而還小便不利渴引水漿此爲瘀熱在裏身必發黃爲熱不得越而上達者也又熱入血室與其虛煩或陽明被火及水結胷皆但頭汗出也但是熱鬱於內而不得越者也此數者或吐或下皆欲除其熱也或謂頭汗之證悉屬陽明而爲裏熱也而有不屬陽明屬表者乎且邪但在表者則無頭汗之證必也寒濕相搏與邪氣半在表半在裏者乃有

頭汗也傷寒五六日已發汗而復下之胃腸
滯微結小便不利渴而不嘔但頭汗出往來
寒熱心煩及傷寒五六日頭汗出微惡寒手
足冷心下滿口不欲食大便鞭脈細者皆邪
氣半在表半在裏令頭汗出也濕家但頭汗
出欲得被覆向火者寒濕相搏令頭汗出也
茲數者皆邪氣所干令頭額自然汗出又不
謂之逆其小便不利則惡見頭汗出也濕家
下後亦惡見頭汗出也茲二者乃爲頭汗之

逆者也何則以小便不利而成關格若頭汗
出陽脫也經云關格不通不得尿頭無汗者
生有汗者死濕下後若額上汗出而微喘者
亦陽脫也經云濕家下之額上汗出小便不
利者死下利不止者亦死脈經曰陽氣上出
汗見於頭者蓋陽脫也則知可治而治知其
不可治而不治皆得十全之上者在於明辯
而審的也

手足汗

傷寒手足汗出何以明之四肢者諸陽之本而胃主四肢手足汗出者陽明之證也陽經邪熱傳併陽明則手足爲之汗出陽明爲津液之主病則自汗出其有自汗出者有但頭汗出者有手足汗出者悉屬陽明也何以使之然也若一身自汗出者謂之熱越是熱外達者也但頭汗出者是熱不得越而熱氣上達者也及手足汗出者爲熱聚於胃是津液之傍達也經曰手足濺然汗出者此大便必

鞭也手足熱熱汗出大便難而讖語者下之則愈由此觀之手足汗出爲熱聚於胃可知矣或謂熱聚於胃而手足爲之汗出其寒聚於胃而有手足汗出者乎經曰陽明中寒者不能食小便不利手足濺然汗出此欲作痼瘕卽是中寒者也且熱聚於胃爲可下之證其寒聚於胃爲不可下又何以明之要明於此二者必曰大便初鞭後溏於胃中冷水穀不別故也是以不可下者也若大便難讖語

者為陽明證具則是可下之證臨病之際宜
 須兩審 一日大便溏薄或欲飲胃中水氣
 此為無汗 二日大便硬結或欲飲胃中水氣
 傷寒無汗何以明之 腠理者津液湊泄之所
 為 腠文理縫會之中為理津液為風暑濕氣
 所干外湊皮腠者則為自汗出若寒邪中經
 腠理緻密津液內滲則無汗無汗之由又有
 數種如傷寒在表及邪行於腠理或水飲內
 畜與亡陽久虛皆令無汗其傷寒無汗則腠

理緻密也 風中於衛則腠理開而自汗寒中
 榮則無汗謂腠理閉也 經所謂太陽病惡風
 無汗而喘及脈浮緊無汗發熱及不出汗而
 煩躁陽明病反無汗而小便利二三日嘔而
 欬手足厥苦頭痛鼻乾不得汗脈浮無汗而
 喘與其剛瘧無汗是數者皆寒邪在表而無
 汗者也其邪氣行於裏無汗者為邪氣在表
 熏發腠理則汗出邪氣內傳不外熏發者則
 汗經所謂陽明病無汗小便不利心中懊懣

者身必發黃及傷寒發熱無汗渴欲飲水無表證者白虎加人參湯主之與夫三陰爲病不得有汗是數者皆邪行於裏而無汗者也其水飲內畜而無汗者爲水飲散而爲津液汗液在滲而爲汗既水飲內畜而不行則津液不足而無汗經所謂服桂枝湯或下之仍頭痛項強翕翕發熱無汗心下滿微痛小便不利桂枝去桂加茯苓白朮湯主之是津液內滲而無汗者其陽虛無汗故也諸陽爲津

液之主陽虛則津液虛少故無汗經所謂脈浮而遲遲爲無陽不能作汗其身必痒陽明病反無汗其身如蟲行皮中之狀此以久虛故也皆陽虛而無汗者也如是者病之常也又焉得爲異哉一或當汗而不汗服湯一劑病證仍在至於服三劑而不汗者死病也又熱病脈躁盛而不得汗者黃帝謂陽脈之極也死茲二者以無汗爲真病詎可與其餘無汗者同日而語也

頭痛

傷寒頭痛何以明之頭痛謂邪氣外在經絡上攻於頭所致也難經曰三陽經受風寒伏留而不去則名厥頭痛言三陽之經上於頭爾然傷寒頭痛者太陽專主也何者以太陽之經起於目內眥上額交巔上入絡腦經所謂太陽受病者頭項痛腰脊強又曰七日病衰頭痛小愈雖然陽明少陽亦有頭痛不若太陽之專主也蓋太陽爲病屬表而頭痛專

爲主表證雖有風寒之不同必待發散而後已太陽病頭痛發熱身疼腰痛骨節疼痛惡風無汗而喘者傷寒也麻黃湯主之太陽病頭痛發熱汗出惡風者中風也桂枝湯主之雖有傷寒六七日不大便頭痛有熱者而與調胃承氣湯下之者又云若小便清者知熱不在裏仍在表也當與桂枝湯以頭痛未去雖不大便六七日其小便清者猶爲在表是知頭痛屬乎表者明矣頭痛一切屬三陽經

也而陰病亦有頭痛乎太陰少陰二經之脈皆上至頸胃中而還不上循頭則無頭痛之證惟厥陰之脈循喉嚨之後上入頰頰連目系上出額與督脈會於巔病亦有頭痛經曰乾嘔吐涎沫者吳茱萸湯主之者是矣夫頭者精明之府也神明居之小小邪氣作為頭痛者必曰發散而可也其或痛甚入連於腦而手足寒者又為真病豈能發散而已哉嗚呼頭痛為外疾猶有不可治者又矧藏府之

疾乎

項強

傷寒項強何以明之太陽脈起於目內眥上額交巔上入絡腦還出別下項循肩臂內俠脊抵腰中經曰太陽之病項背強痛而惡寒以太陽感受風寒則經脈不利而項為之急頸為之強爾傷寒頸項強急者太陽表證也必發散而解之可也太陽病項背強几几反汗出惡風者桂枝加葛根湯主之太陽病項

背強几几無汗惡風者葛根湯主之是皆發散之劑也二者均是項背強而發散又有輕重者蓋發熱汗出惡風者爲表虛表虛者可解肌無汗惡風者爲表實表實者可發汗是以爲治不同也桂枝加葛根湯方是桂枝加麻黃葛根又葛根湯方亦是桂枝湯中加麻黃葛根深詳究之無汗惡風爲表實正可發汗則於桂枝湯中加葛根麻黃爲當矣汗出惡風爲表虛表虛者可解肌恐是桂枝湯中

但加葛根而不加麻黃也几音殊几引頸之貌几短羽鳥也短羽之鳥不能飛騰動則先伸引其頸兩項背強者動亦如之非若几按之几而偃屈也太陽傷寒項背強其或太陽中風加之寒濕而成瘧者亦項強也經曰病者身熱足寒頸項強急惡風時頭熱而赤目脉赤獨頭面搖動卒口噤背反張者瘧病也金匱要略曰太陽病其證項背強几几然脉反沉遲者此爲瘧桂枝加栝蒌湯主之雖項

背強然太陽病表證悉當發散又有結胸病者項亦強如柔痙狀下之則和宜大陷胃圓主之臨病之際審其表裏可汗可下隨證投湯則萬全矣

頭眩

傷寒頭眩何以明之眊非毛而見其毛眩非玄而見其玄眊爲眼花眩爲眼黑眩也運也胃也三者形俱相近有謂之眩運者有謂之眩胃者運爲運轉之運世謂之頭旋者是矣

胃爲蒙胃之胃世謂之昏胃者是矣少陽之爲病口苦咽乾目眩以少陽居表裏之間表邪所傳漸行於裏表中易虛故時時目眩也二者陽併病頭項強痛或眩眩胃者以少陽與太陽併病故眩者責其虛也傷寒有起則頭眩與眩胃者皆發汗吐下後所致是知其陽虛也故針經有曰上虛則眩下虛則厥眩雖爲虛而風家亦有眩者蓋風主運動故兩傷寒陽明病但頭眩不惡寒者故能食而欬

其人必咽痛爲陽明中風是風亦主頭眩也
諸如此者皆非逆也及其諸逆發汗劇者言
亂目眩者死命將難全嗚呼病勢已成可得
半愈及病勢已深雖神醫其能已之耶

胃脇滿

傷寒胃脇滿何以明之胃脇滿者謂胃膈間
氣塞滿悶也非心下滿者也脇滿者謂脇肋
下氣脹填滿也非腹滿者也邪氣自表傳裏
必先自胃脇已次經心腹而入胃入胃爲入

府也是以胃滿多帶表證脇滿多帶半表半
裏證也經曰下後脈促胃滿者桂枝去芍藥
湯主之又曰陽明病喘而胃滿者不可下宜
麻黃湯是胃滿屬表而須發汗者也蓋胃中
至表猶近也及脇者則更不言發汗但和解
而已經曰設胃滿痛者與小柴胡湯又曰胃
滿不去者小柴胡湯主之本太陽病不解轉
入少陽者脇下鞭滿乾嘔不能食往來寒熱
脈沉緊者小柴胡湯主之是知脇滿屬半表

半裏明矣大抵胃脇滿以邪氣初入裏未停
留爲實氣鬱積而不行致生滿也和解斯可
矣若邪氣留於胃中聚而爲實者非湧吐則
不可已故華他曰四日在胃吐之則愈是邪
氣已收斂而不散漫者則可吐之內經曰其
高者因而越之病在胃膈之上爲高下之爲
吐也經曰病在胃中當吐之發汗若下之而
煩熱胃中窒者則以梔子豉湯吐之若胃中
痞鞭氣上衝咽喉不得息者此爲胃中有寒

也則以瓜蒂散吐之二者均是吐劑梔子豉
湯吐胃中虛煩客熱也瓜蒂散吐胃中痰實
宿寒也若能審明藥劑之輕重辨別邪氣之
淺深對證投湯不爲效者亦之有也

心下滿

傷寒心下滿何以明之心下滿者謂正當心
下高起滿鞭者是矣不經下後而滿者則有
吐下之殊若下後心下滿者又有結胃痞氣
之別經曰病人手足厥冷脈乍緊邪結在胃

中心滿而煩飢不能食病在胃中當吐之又
曰脉浮而大心下反鞭有熱屬藏者攻之不
令發汗屬府者不令攻之茲二者爲不經汗
下而心下滿者或吐之或下之看其邪氣之
高下高者則因而越之下者則因而竭之要
在世其邪也至如陽明病雖心下鞭滿又未
可攻經曰陽明病心下鞭滿不可攻之攻之
利遂不止者死利止者愈是邪氣自表傳裏
至於心下留結爲實者則不可下乃吐之可

也若未全爲實者則不可下故有此戒也又
邪氣在表未應下而強下之邪氣乘虛結於
心下實者鞭滿而痛爲結胃虛者滿而不痛
爲虛痞經曰嘔而發熱者柴胡湯證具而以
他藥下之柴胡證仍在者復與柴胡湯此雖
下之不爲逆必爲而振却復發熱汗出而解
若心下滿而鞭痛者此爲結胃但滿而不痛
者此爲虛痞蓋實邪留結則爲鞭爲痛虛邪
留滯則但滿而不鞭痛也結胃熱實脉沉而

緊心下痛按之石鞭者大陷胃湯主之明其邪實可知矣脉浮而緊而反下之緊反入裏則作痞按之自濡但氣痞耳明其邪虛可知矣病發於陽而反下之熱入因作結胃病發於陰而反下之因作痞表邪未罷醫反下之胃中空虛各氣動隔陽氣內陷心中因鞭則爲結胃須陷胃湯圓攻之可也傷寒中風醫反下之心下痞鞭而滿醫見心下痞爲病不盡而復下之其痞益甚此非結熱但以胃中

空虛客氣上逆故使鞭也須諸瀉心湯散可也二者俱是心下滿鞭一爲虛一爲實凡投湯者大須詳審結胃雖爲實邪衆皆共知當用陷胃湯圓下之或脉浮大者則不可下下之則死卽是猶帶表邪未全結實下之重虛其裏邪深結則死設其結胃形證悉具而加之煩躁者又爲不治之疾藥之所以能勝邪者必待胃氣施布藥力始能溫汗吐下之以逐其邪氣邪氣勝胃氣絕者湯藥縱下胃氣

不能施布雖神丹其能爲效也

腹滿

傷寒腹滿何以明之腹滿者俗謂之肚脹是也華他曰傷寒一日在皮二日在膚三日在肌四日在胃五日在腹六日入胃入胃謂入府也是在腹也猶未全入裏者雖腹滿爲裏證故亦有淺深之別經曰表已解而內不消非大滿猶生寒熱則病不除是其未全入府若大滿大實堅有燥屎自可除下之雖四五

日不能爲禍謂之邪氣已入府也傷寒邪入腹是裏證已深故腹滿乃可下之者多矣如經曰其熱不潮未可與承氣湯若腹大滿不通者可與小承氣湯發汗不解腹滿痛者急下之本太陽病醫反下之因而腹滿時痛者屬太陽也桂枝加芍藥湯主之大實痛者桂枝加大黃湯主之少陰病腹脹不大便者急下之諸如此者皆爲裏證是也雖曰腹中滿痛者此爲實也當下去之然腹滿不減者則

爲實也若腹滿時減者又爲虛也則不可下
經曰腹滿不減減不足言當下之金匱要略
曰腹滿時減復如故此虛寒從下上也當以
溫藥和之蓋虛氣留帶亦爲之脹但比之實
者不至堅痛也大抵腹滿屬太陰證也陽熱
爲邪者則腹滿而咽乾陰寒爲邪者則腹滿
而吐食不下自利益甚時腹自痛太陰者脾
土也治中央故專主腹滿之候又發汗吐下
之後因而成腹滿者皆邪氣乘虛內容爲之

而所主又各不同經曰發汗後腹脹滿者厚
朴生薑甘草半夏人參湯主之傷寒吐後腹
脹滿者調胃承氣湯主之傷寒下後心煩腹
脹滿附起不安者梔子厚朴湯主之三者有
當溫者有當下者有當吐者何邪氣不一也
且發汗後腹滿當溫之邪氣在表因發散則
邪去胃爲津液之主發汗亡陽則胃氣虛而
不能敷布諸氣壅滯而爲脹滿是當溫散可
也吐後腹滿可下之邪氣在胃者則可吐之

吐之邪去則安若吐後邪氣不去加之腹脹
滿者是胃中之邪下傳入胃擁而爲實故生
脹滿當須下之可也下後腹滿可吐者邪氣
在表未傳入府而妄下之邪自表乘虛而入
鬱於胃中而爲虛煩氣上下不得通利者腹
爲之滿故當吐之可也凡爲醫者要識邪氣
所起所在審其所起知邪氣之由來觀其所
在知邪氣之虛實發汗吐下之不差溫補針
艾之適當則十全之功自可得也

少腹滿

傷寒少腹滿者何以明之少腹滿者臍下滿
是也少腹者下焦所治難經曰下焦者當膀胱
上口主分別清濁其治在臍下邪氣自上
而下至於下焦結而不利故少腹滿也胃中
滿心下滿皆氣爾卽無物也及腹滿者又有
燥屎爲之者至於少腹滿者非正氣也必有
物聚於此而爲之滿爾所以然者身半以上
同天之陽清陽歸之身半已下同地之陰濁

陰歸之清者在上而濁者在下內經謂清陽
出上竅濁陰出下竅當山不出積而爲滿是
在上而滿者氣也在下而滿者物也所謂物
者溺與血爾邪氣聚於下焦則津液不得通
血氣不得行或溺或血留滯於下是生脹滿
而鞭痛也若從心下至少腹皆鞭滿而痛者
是邪實也須大陷胃湯下之若但少腹鞭滿
而痛小便利者則是畜血之證小便不利者
則是溺澁之證經曰少腹滿應小便不利今

反利者爲有血也又曰少腹鞭小便不利者
爲無血也小便自利其人如狂者血證諦也
其小便利而少腹滿者爲太陽隨經瘀血在
裏太陽自入府者也經曰太陽病熱結膀胱
其人如狂血自下下者愈其外未解者尙未
可攻當先解外外解已但少腹結急者可攻
之此承氣湯主之是少腹鞭滿爲物聚於
下可知矣溲之利之溲酌隨宜利爲上工

煩熱

傷寒煩熱何以明之煩者熱也與發熱若同而異也發熱者怫怫然發於肌表有時而已者是也煩者爲煩而熱無時而欲者是也二者均是表熱而煩熱爲熱所煩非若發熱而時發時止也故謂之煩熱經曰病人煩熱汗出則解又曰發汗已解半日許復煩脈浮數者再與桂枝湯又曰服桂枝湯反煩不解者先刺風池風府却與桂枝湯則愈卽此觀之煩爲表熱明矣故又有煩疼卽是熱疼又有

煩渴卽是熱渴也以煩爲熱又何疑焉至於中煩心中煩內煩虛煩皆以煩爲熱設傷寒至六七日手足三部脈皆至大煩而口噤不能言其人躁擾者與脈和大煩目重臉內際黃者又皆爲欲解所以言大煩者以肌表大熱則是邪熱欲去泄達於外也故爲欲解內經曰謹熟陰陽以意調之

傷寒虛煩何以明之虛煩者心中鬱鬱而煩

也有胃中煩有心中煩有虛煩諸如此者皆熱也若止云煩者表熱也及其邪熱傳裏故有胃中煩心中煩虛煩之別三者要在觀其熱所從來審其虛實而治爲不同也如不經發汗吐下而煩者則是傳經之熱不作膈實者但多和解而已故經曰心煩喜嘔或胃中煩而不嘔者小柴胡湯主之少陰病二三日心中煩不得臥者黃連阿膠湯主之少陰病胃滿心煩者猪膚湯主之是皆和解而徹熱

者也若因吐下發汗後而煩者則是內陷之煩但多湧吐而已吐下後虛煩不得眠若劇者必反覆顛倒心中懊懣者梔子豉湯主之若少氣者梔子甘草豉湯主之若嘔者梔子生薑豉湯主之心煩腹滿卧起不安者梔子厚朴湯主之圓藥大下後身熱不去微煩者梔子乾薑湯主之是皆取其吐而湧其熱者也虛煩之狀心中溫溫然欲吐憤憤然無奈欲嘔不嘔擾擾亂亂是名煩也非吐則不能

已經曰若下後更煩心下濡者爲虛煩也梔
子豉湯主之脉乍結心下滿而煩飢不能食
病在胃中瓜蒂散主之二者證均是煩也藥
均是吐也而又輕重之不同吐下發汗後邪
氣乘虛而入爲煩者則謂之虛煩與梔子豉
湯則是吐劑之輕者不因吐下發汗後邪氣
結於胃中則爲膈實與瓜蒂散則是吐劑之
重者又陽明病不吐不下心煩者則是煩之
實者也與調胃承氣湯下之傷寒二三日心

中悸而煩者則是煩之虛者也與小建中湯
補之煩爲熱也悸而煩復爲主者以悸爲虛
悸甚而煩故爲虛也少陽之邪入府者煩而
悸則爲熱也大抵先煩而悸者是爲熱也先
悸而煩者是爲虛也內經曰治病必先求其
本誠哉是言也

煩躁

傷寒煩躁何以明之煩爲擾擾而煩躁爲憤
躁之躁合而言之煩躁爲熱也析而分之煩

也躁也有陰陽之別焉煩陽也躁陰也煩爲熱之輕者躁爲熱之甚者經有煩疼煩滿煩渴虛煩皆以煩爲熱也有不煩而躁者爲怫怫然便作躁悶此爲陰盛隔陽也雖大躁欲於泥水中卧但飲水不得入口者是矣所謂煩躁者謂先煩漸至躁也所謂躁煩者謂先發躁而迤邐復煩者也煩躁之由又爲不同有邪氣在表而煩躁者有邪氣在裏而煩躁者有因火劫而煩躁者有陽虛而煩躁者有

陰盛而煩躁者皆不同也經曰當汗不汗其人煩躁太陽中風脈浮而緊不汗出而煩躁大青龍湯主之者是邪氣在表而煩躁者也病人不大便六七日繞臍痛煩躁發作有時此有燥屎也邪氣在裏而煩躁者也太陽病以火熏之不得汗其人必躁太陽病二三日及躁火熨其背令人大汗出大熱入胃躁煩者火劫令煩躁者也陽微發汗躁不得眠與下之後復發汗晝日煩躁不得眠夜而安靜

不嘔不渴無表證脈沉微身無大熱者乾薑
 附子湯主之及發汗若下之病仍不去煩躁
 者茯苓四逆湯主之者陽虛煩躁者也少陰
 病吐利手足厥冷煩躁欲死者吳茱萸湯主
 之者陰盛而煩躁者也諸如此者證之常也
 非逆也設或結胃證悉具煩躁者死發熱下
 利厥逆躁不得臥者死少陰病吐利煩躁四
 逆者死少陰病四逆惡寒而踈脈不出不煩
 而躁者死少陰病五六日自利復煩躁不得

臥寐者死是數者又皆為不治之證嗚呼煩
 躁為常有之疾復有諸不治之證臨病者之
 側又當熟審焉

懊懣

傷寒懊懣何以明之懊者懊惱之懊懣者鬱
 悶之貌即心中懊懣惱惱煩懣懣鬱鬱然
 不舒暢憤憤然無奈比之煩悶而甚者懊懣
 也由下後表中陽邪乘虛內陷鬱而不發結
 伏於胃心之間故如是也經曰表未解醫反

之下胃中空虛客氣動膈心中懊懣又曰下之益煩心懊懣如飢卽是陽氣內陷爲諸懊懣也其治之法或吐之或下之若發汗吐下後虛煩不得眠劇者必反覆顛倒心中懊懣與陽明病下之其外有熱手足溫而不結胃心中懊懣飢不能食但頭汗出二者爲邪熱鬱於胃中當須梔子豉湯吐之以湧其結熱也陽明病下之心中懊懣而煩胃中有燥屎者與陽明病無汗小便不利心中懊懣者必

發黃二者爲邪熱結於胃中當須大承氣湯茵陳湯攻之以滌其內熱也識諸此者吐下之不差湯劑之適當則無不愈者一或當汗反吐療熱以溫則變證百出斑出黃生者多矣其爲醫者請精究之

舌上胎

傷寒舌上胎何以明之舌者心之官法應南方火本紅而澤傷寒三四日以後舌上有膜白滑如胎甚者或燥或濕或黃或黑是數者

熱氣淺深之謂也邪氣在表者舌上卽無胎
及邪氣傳裏津液結搏則舌上生胎也寒邪
初傳未全成熱或在半表或在半裏或邪氣
客於胃中者皆舌上胎白而滑也經曰舌上
如胎者以丹田有熱胃上有寒邪初傳入裏
者也陽明病脅下鞅滿不大便而嘔舌上白
胎者可與小柴胡湯是邪氣在半表半裏者
也太陽病若下之則胃中空虛客氣動膈心
中懊懺舌上胎者梔子豉湯主之是邪客於

胃中者也藏結宜若可下舌上胎滑者則云
不可攻也是邪未全成熱猶帶表寒故也及
其邪傳爲熱則舌上之胎不滑而澁也經曰
傷寒七八日不解熱結在裏表裏俱熱時時
惡風大渴舌上乾燥而煩欲飲水數升有白
虎加人參湯主之是熱耗津液而滑者已乾
也若熱聚於胃則舌爲之黃是熱已深也金
匱要略曰舌黃未下者下之黃自去若舌上
色黑者又爲熱之極也黃帝針經曰熱病口

乾舌黑者死以心爲君主之官開竅於舌黑
爲腎色見於心部心者火腎者水邪熱已極
鬼賊相刑故知必死觀其口舌亦可見其逆
順矣

衄

傷寒衄者何以明之鼻中血出者是也雜病
衄者責熱在裏傷寒衄者責熱在表何以言
之病源曰心主血肝藏血肺主氣開竅於鼻
血得熱則散隨氣上從鼻中出則爲衄是雜

病者責在裏熱也經曰傷寒脉浮緊不發汗
因致衄者宜麻黃湯傷寒不大便六七日頭
痛有熱者與小承氣湯其小便清者知不在
裏仍在表也當須發汗若頭痛者必衄宜桂
枝湯以此觀之是傷寒衄者責其表熱也干
金翼曰吐血有三種一曰肺疽二曰傷胃三
曰內衄既吐血家謂之內衄則其鼻中出血
者可謂之外衄是經絡之血妄行也經絡熱
盛陽氣擁重迫血妄行出於鼻則爲衄經曰

其人發煩目瞑劇者必衄衄乃解所以然者
陽氣重故也又曰陽盛則欲衄陰虛小便難
言衄爲經中陽盛也凡傷寒脉浮鼻中燥口
燥但欲漱水不欲嚥者是欲衄也經曰陽明
病口乾鼻燥能食者則衄又有不應發汗而
強發汗因致衄者經曰少陰病但厥無汗而
強發之必動其血未知從何道出或從口鼻
或從目出是名下厥上竭爲難治是也衄家
雖爲邪熱在經而又不可發汗經曰衄家不

可發汗發汗則額上陷脉緊急直視不能胸
不得眠前云桂枝湯麻黃湯治衄者非治衄
也卽是發散經中邪氣爾若邪氣不得發散
擁盛於經逼迫於血則因致衄也卽非桂枝
麻黃湯專治衄也太陽病脉浮緊發熱身無
汗自衄者愈是經中之邪隨而散則解矣故
知衄者不待桂枝湯麻黃湯發散之也衄者
若但頭汗出身無汗及汗出不至足者死黃
帝又皆以爲不治之疾臨病之際審而治之

黃加附子而可矣至於噦者則又熱氣擁鬱
氣不得通而成者也輕者有和解之證重者
有攻下之候經曰有潮熱時時噦與小柴胡
湯者卽是和解之證也噦而腹滿視其前後
知何部不利利之則愈卽可攻下之候也傷
寒至於噦則病已極也非若渴煩等輕緩之
候如太陽中風以火劫發汗陰陽俱虛竭身
體枯燥但頭汗出劑頸而還腹滿微喘口乾
咽爛或不大便久則譫語甚者至噦是言其

極也又不尿腹滿加噦者不治是爲真病其
若是者雖有神醫之術當斯脫絕之候又何
以措其手足哉

欬

傷寒欬者何以明之欬者聲欬之欬俗謂之
嗽者是也肺主氣形寒飲冷則傷之使氣上
而不下逆而不收衝擊膈咽令喉中淫淫如
痒習習如梗是令欬也甚者續續不已連連
不止坐臥不安語言不竟動引百骸聲聞四

近矣欬之由來有肺寒而欬者有停飲而欬者有邪氣在半表半裏而欬者雖同曰欬而治各不同也內經曰肺之令人欬何也皮毛者肺之合也皮毛先受寒氣寒氣以從其合其寒飲食入胃從肺脉上至於肺肺寒則內合外邪因而客之則爲欬嗽者是肺寒而欬也傷寒表不解心下有水氣乾嘔發熱而欬小青龍湯主之少陰病腹痛小便不利四肢沉重痛疼自下利者此爲有水氣其人或欬

者真武湯加五味子細辛乾薑主之二者是停飲而欬者也雖皆爲水飲所作而小青龍湯所主爲水飲與裏寒相合而欬者真武湯所主爲水飲與裏寒相合而噦者又不可不知也傷寒中風往來寒熱胃脇苦滿然不欲飲食心煩喜嘔或欬者小柴胡湯去人參大棗生薑加乾薑五味子主之少陰病四逆其人或欬者四逆散加乾薑五味子主之二者是邪氣自表傳裏而欬者雖皆爲邪氣傳

裏而小柴胡湯所主爲陽邪傳動肺肺而欬者四逆散所主爲陰邪傳裏動肺而欬者又不可不識也表寒也裏寒也飭水飲則必動肺以形寒寒飲則傷肺故也陽邪也陰邪也自表傳裏則必動肺以藏真高於肺故也欬爲肺疾治之必發散而可矣而又有不可發汗者經曰欬而小便利者不可發汗發汗則四肢厥逆冷又曰欬而發汗蹇而苦滿腹中復堅茲雖逆也又脉散者爲心火形於肺金

鬼賊相刑必死臨病之側可不察之

喘

傷寒喘者何以明之肺主氣形寒飲冷則傷肺故其氣逆而上行衝衝而氣急喝喝而息數張口擡肩搖身滾肚是爲喘也傷寒喘者爲邪氣在表氣不利而喘者有水氣之氣射肺而喘者各不同也喘家作桂枝加厚朴杏仁湯太陽病骨節疼痛 頭疼腰疼惡風無汗而喘者發汗後飲水多必喘以小灌之亦

喘傷寒心下有水氣乾嘔發熱而欬或喘者
小青龍湯去麻黃加杏子主之是欲發散水
寒也經曰喘而汗出者與葛根黃芩黃連湯
以利之汗出而喘者與麻黃杏仁甘草石膏
湯以發之二者如何而然也且邪氣內攻氣
逆不利而喘者因喘而汗出見其邪氣在裏
也雖表未解未可和之若邪氣外盛壅遏使
氣不利而喘者雖汗而喘不已見其邪氣在
表也雖經汗下亦可發之此亦古人之奧義

傷寒止於邪氣在表而喘者心腹必濡而不
堅設或腹滿而喘則又爲可下之證經曰短
氣腹滿而喘有潮熱者此外欲解可攻裏也
爲因滿脹而喘矣又或邪氣內盛正氣欲脫
氣壅上逆亦主喘也經曰直視譫語喘滿者
死又汗出髮潤喘不休者此爲肺絕身汗如
油喘而不休此爲命絕皆爲不治之喘也省
疾問病更宜消息

傷寒嘔吐何以明之嘔者有聲者也俗謂之
嘔吐者吐出其物也故有乾嘔而無乾吐是
以於嘔則曰食穀欲嘔及吐則曰飲食入口
卽吐則嘔吐之有輕重可知矣傷寒嘔有責
爲熱者有責爲寒者至於吐家則悉虛冷也
經曰太陰之爲病腹滿而吐食不下自利益
甚時腹自痛又曰胃中虛冷故吐也嘔家則
不然嘔有熱者有寒者有停飲者有胃脘有
膿者皆當明辨之嘔而發熱者柴胡湯湯證

具與其嘔不止心下急鬱鬱微煩大柴胡湯
主之者是邪熱爲嘔者也膈上有寒飲乾嘔
者不可吐也當溫之與其乾嘔吐涎沫頭痛
者吳茱萸湯主之是寒邪爲嘔者也先嘔後
渴者此爲欲解先渴後嘔者爲水停心下此
屬飲家是停飲嘔者嘔家有癰膿不須治膿
盡自愈是胃脘有膿而嘔也諸如此者雖有
殊別大抵傷寒表邪欲傳裏裏氣上逆則爲
嘔也是以半表半裏證多云嘔也傷寒三日

三陽爲盡三陰當受邪其入反能食而不嘔此爲三陰不受邪是知邪氣傳裏者必致嘔也至於乾薑附子湯證云不嘔不渴爲裏無熱十棗湯證云乾嘔短氣汗出不惡寒者此表解裏未和也卽此觀之其嘔爲裏熱明矣嘔家之爲病氣逆者必散之痰飲者必下之千金曰嘔家多服生薑此是嘔家聖藥是要散其逆氣也金匱要略曰嘔家用半夏以去其水水去嘔則止是要下其痰飲也嘔多雖

有陽明證不可攻者謂其氣逆而未收斂爲實也其嘔而脉弱小便復利身有微熱見厥者已爲難治蓋謂其虛寒之甚也醫者必審其邪氣之虛實疾證之逆順爲施藥圖治則當矣

悸

傷寒悸者何以明之悸者心忪是也築築踢踢然動怔怔忪忪不能自安者是矣心悸之由不越二種一者氣虛也二者停飲也傷寒

二三日心悸而煩者小建中湯主之少陰病
四逆其人或悸者四逆散加桂五分是氣虛
而悸者也飲水多必心下悸是停飲而悸者
也其氣虛者由陽氣內弱心下空虛正氣內
動而爲悸也其停飲者由水停心下心爲火
而惡水水既內停心不自安則爲悸也又有
汗下之後正氣內虛邪氣交擊而令悸者與
氣虛而悸者則又甚焉太陽病發汗過多其
人叉手自冒必心下悸太陽病若下之身重

心下悸者不可發汗少陽病不可吐下吐下
則悸而驚少陽病不可發汗發汗則譫語此
屬胃胃和則愈胃不和則煩而悸是數者皆
汗後協邪者與其氣虛而悸者有以異也或
鎮固或化散之皆須定其氣浮也又飲水過
多水飲不爲宣布留心下甚者則悸金匱要
略曰食少飲多水停心下甚者則悸飲之爲
悸甚於他邪雖有餘邪必先治悸何者以水
停心下若水氣散則無所不之浸於肺則爲

喘為欬傳於胃則為噦為噎溢於皮膚則為腫漬於腸間則為利下不可緩之也經曰厥而心下悸宜先治水與茯苓甘草湯後治其厥不爾水漬於胃必作利也厥為邪之深者猶先治水况其邪氣淺者乎醫者可不深究之

渴

傷寒渴者何以明之渴者裏有熱也傷寒之邪自表傳至裏則必有名證隨其邪淺深而

見焉雖曰一日在皮二日在膚三日在肌四日在胃五日在腹六日入胃其傳經者又有證形焉太陽主氣而先受邪當一二日發頭項痛而腰脊强者是矣太陽傳陽明則二三日發身熱目疼鼻乾不得卧也陽明傳少陽則三四日發胃脇痛而耳聾此三陽皆受病為邪在表面猶未作熱故不言渴至四五日少陽傳太陰則邪氣漸入裏寒邪漸成熱當是時也津液耗少故腹滿而噎乾至五六日

太陰傳少陰是裏熱又漸深也當此之時則
津液爲熱所搏漸耗而乾故口燥舌乾而渴
及至六七日則少陰之邪傳於厥陰厥陰之
爲病消渴爲裏熱已極矣所謂消渴者飲水
多而小便少者是矣謂其熱能消水也所以
傷寒病至六七日而渴欲飲水爲欲愈之病
以其傳經盡故也是以厥陰病云渴欲飲水
少少與之愈者是也邪氣初傳入裏熱氣散
漫未收斂成熱熏蒸焦膈搏耗津液遂成渴

也病人雖渴欲得飲冰又不可多與之若飲
水過多熱少不能消故復爲停飲諸疾經曰
凡得時氣病至五六日渴欲飲水水飲不能
多勿多與也何者以腹中熱尚少不能消之
便更與人作病也若大渴欲飲水猶當依證
與之與之常令不足勿極意也言能飲一斗
與五升又曰渴欲飲水少少與之但以法救
之渴者宜五苓散至於大渴欲飲水數升者
白虎加人參湯主之皆欲潤其燥而生津液

也凡得病反能飲水此爲欲愈之病其不曉病者但聞病飲水自差小渴者乃強與飲之因成大禍不可復救然則悸動也支結也喘咳噎噦乾嘔腫滿下利小便不利數者皆是飲水過傷而診病之工當須識此勿令悞也

振

傷寒振者何以明之振者森然若寒聳然振動者是也傷寒振者皆責其虛寒也至於欲汗之時其人必虛必蒸蒸而振却發熱汗出

而解振近戰也而輕者爲振矣戰爲正與邪爭爭則爲鼓慄而戰振但虛而不至爭故止聳動而振也下後復發汗必振寒者謂其表裏俱虛也亡血家發汗則寒慄而振者謂其血氣俱虛也諸如此者止於振聳爾其振振欲擗地者有身爲振振擗者二者皆發汗過多亡陽經虛不能自主持故身爲振擗也又非若振慄之比經曰若吐下後心下逆滿氣上衝胃起則頭眩發汗則動經身爲振振擗

者茯苓桂枝白朮甘草湯主之太陽病發汗
不解其人仍發熱心下悸頭眩身瞤動振振
欲擗地者真武湯主之二湯者皆溫經益陽
滋血助氣之劑經虛陽弱得之未有不獲全
濟之功者也前岐曰此方以桂枝而發其
真氣以白朮而補其血以茯苓而利其水
以甘草而和其中以芍藥而平其肝以
黃連而清其熱以附子而助其陽以
醫方類聚卷之三十六